

大方廣佛華嚴經

十四向品初迴向章
弘一大師書



中華民國六十七年九月一日初版

華嚴經十迴向品初迴向章

■ 發行者：李雲鵬

■ 策劃者：陳慧劍

■ 出版者：天華出版事業股份有限公司

■ 地址：台北市南京東路三段二一五號二樓

■ 電話：七二一九八九〇
七五二一六二一一（十線）

■ 郵政劃撥帳戶第一二二〇八號

■ 台北市郵政第四六一三一〇號信箱

■ 印刷者：七海印刷有限公司

■ 美術設計：國際工商傳播股份有限公司

■ 行政院新聞局版台業字第一六七九號

■ 實價：新台幣八〇元（含掛號費）

■ 國外統一實價：美金三元（含海外寄費）



■ 天華書藝叢刊

■ 弘一大師墨寶

和一大師藝事集印序

一代律宗大德和上人離世三十有五年矣
其生前藝事詩詞音樂金石書畫靡不精粹尤
以翰墨樂曲之造詣超絕流布深廣足以振聾
發聵歷百世而不朽閱萬方而愈珍和公本其
見道之性遂其高深之志不惟為儒林之圭臬
亦為佛門之龍象今者吾人僉以和公潛德幽
光周徧娑婆使身受其風概感動者莫不如德
潤身於是搜集其藝術珍品八種付諸再景以
永其傳普願世人咸宜以吉光片羽目之也

佛曆二五二一年歲次丁巳季秋
佛弟子李雲鵬敬識



大方廣佛華嚴經

唐于闐國三藏實叉難陀譯

十迴向品

初迴向章
并冠科文

① 救護一切眾生離眾生相迴向。又分為二。初長行。二偈頌。

② 初長行有三。初牒名徵起。二依徵廣釋。三依釋結名。③ 今初。

佛子。

云何為菩薩摩訶薩救護一切眾生離眾生相迴向。

④ 二依徵廣釋有二。初明所迴善根。二正明迴向。① 今初。

佛子。此菩薩摩訶薩。行

檀波羅蜜。淨尸波羅蜜。修羸提波羅蜜。起

精進波羅蜜。入禪波羅蜜。住般若波羅蜜。

大慈大悲。大喜大捨。修如是等無量善根。

① 二正明迴向。有二。初明隨相迴向。即迴向眾生及與菩提。釋救護眾生。二明離相迴向。即迴向實際。釋離眾生相。② 初明隨相迴向。又二。初總明。二別顯。③ 今初。

修善根時。作是念言。願此善根。普能饒益

一切眾生。皆使清淨。至於究竟。永離地獄
餓鬼畜生閻羅王等無量苦惱。

② 二別顯有四。初利樂救護。二受惱救護。三代苦救護。四迴救護。
救護。③ 初利樂救護。又三。初總標。二別顯。三總結。④ 今初。

菩薩

摩訶薩。種善根時。以己善根。如是迴向。⑤

別顯我當為一切眾生作舍。令免一切諸苦

事故。為一切眾生作護。悉令解脫諸煩惱。

故。爲一切眾生作歸。皆令得離諸怖畏故。
爲一切眾生作趣。令得至於一切智故。爲
一切眾生作安。令得究竟安隱處故。爲一
切眾生作明。令得智光滅癡暗故。爲一切
眾生作炬。破彼一切無明闇故。爲一切眾
生作燈。令住究竟清淨處故。爲一切眾生

作導師。引其令入真實法故。為一切眾生
作大導師。與其無礙大智慧故。總三佛子。

菩薩摩訶薩。以諸善根如是迴向。平等饒

益一切眾生。究竟皆令得一切智。

②受惱救護有二。初明受惱之相。二明迴向之
相。③初明受惱之相。又二。初法。二喻。④今初。佛子。菩薩摩

訶薩。於非親友守護迴向。與其親友等無

差別。何以故。菩薩摩訶薩入一切法平等性故。不於眾生而起一念非親友想。設有眾生於菩薩所起怨害心。菩薩亦以慈眼視之。終無恚怒。普為眾生作善知識。演說

正法。令其修習。

②二喻有二。初大海不變喻。喻遇急緣不變本心。二日輪普照喻。喻遇急緣不息利益。

初。今譬如大海一切眾毒不能變壞。菩薩

亦爾。一切愚蒙無有智慧。不知恩德。瞋很
頑毒。憍慢自大。其心盲瞽。不識善法。如是
等類。諸惡眾生。種種逼惱。無能動亂。（終）二日
輪普照
喻有三。初舉喻。二合
法。三徵釋。①今初。譬如日天子出現世間。不以
生盲不見故。隱而不現。又復不以乾闥婆
城。阿修羅手。閻浮提樹。崇巖邃谷。塵霧煙

雲。如是等物之所覆障。故隱而不現。亦復

不以時節變改。故隱而不現。

①二合法。有二。初合具德之義。二合非緣

不阻。②今初。

菩薩摩訶薩。亦復如是。有大福德。其

心深廣。正念觀察。無有退屈。為欲究竟功

德智慧。於上勝法。心生志欲。法光普照。見

一切義。於諸法門。智慧自在。常為利益一

切眾生而修善法。曾不誤起捨眾生心。二

合非緣
不阻。

不以眾生其性弊惡。邪見瞋濁。難可

調伏。便即棄捨。不修迴向。但以菩薩大願

甲冑而自莊嚴。救護眾生。恆無退轉。不以

眾生不知報恩。退菩薩行。捨菩提道。不以

凡愚共同一處。捨離一切如實善根。不以

眾生數起過惡難可忍受而於彼所生疲

厭心。①三徵釋有二初何以故。②二釋有二初喻譬

如日天子不但為一事故出現世間。③二合

④二別合善薩摩訶薩亦復如是。⑤二別合有二初以大悲合日

⑥二以智合日不但為一眾生故修諸善根迴向

阿耨多羅三藐三菩提普為救護一切眾

生故。而修善根。迴向阿耨多羅三藐三菩
提。（辰）二以智合日。如是不但爲淨一佛刹故。不但爲
信一佛故。不但爲見一佛故。不但爲了一
法故。起大智願。迴向阿耨多羅三藐三菩
提。爲普淨一切佛刹故。普信一切諸佛故。
普承事供養一切諸佛故。普解一切佛法

故發起大願。修諸善根。迴向阿耨多羅三

藐三菩提。

①二明迴向之相有二。初辨迴向之心。二明迴向之願。
②初辨迴向之心。又二。初緣境廣大。上等佛心。二悲

成利樂下救物
心。③今初。

佛子。菩薩摩訶薩。以諸佛法而

為所緣。起廣大心。不退轉心。無量劫中。修

習。希有難得心寶。與一切諸佛悉皆平等。

④悲成利
樂下救物心。

菩薩如是觀諸善根。信心清淨。

大悲堅固。以甚深心。歡喜心。清淨心。最勝
心。柔軟心。慈悲心。憐愍心。攝護心。利益心。
安樂心。普為眾生真實迴向。非但口言。②

明迴向之願有二。初願眾生令成
法器。二令得法圓滿。

②今初。

佛子。菩薩摩訶薩。以

諸善根迴向之時。作是念言。以我善根願
一切趣生。一切眾生。皆得清淨功德圓滿。

不可沮壞。無有窮盡。常得尊重。正念不忘。
獲決定慧。具無量智。身口意業。一切功德。

圓滿莊嚴。

④二令得法圓滿。有四。初總舉。遇緣得法。二成
自功德。三勝進德。四明得果滿。⑤今初。

又

作是念。以此善根。令一切眾生承事供養。

一切諸佛。無空過者。

⑥二成
自功德。

於諸佛所。淨信

不壞。聽聞正法。斷諸疑惑。憶持不忘。如說